






門八 4  
號 502  
卷 /



聖德太子



皇圖鞏固  
帝道遐昌  
佛日增輝  
濃輪常轉



釋迦如來應化錄上目錄

釋迦垂迹	釋迦	買花供佛	瞿曇貴姓	摩耶託夢	從園還城	大赦修福	往謁天祠
最初因地	上託兜率	淨飯聖王	樹下誕生	仙人占相	姨母養育	園林嬉戲	



習學書數	太子灌頂	諸王抽力	五欲娛樂	飯王應夢	道見病卧	得遇沙門	初啓出家
講演武藝	遊觀農務	悉達納妃	空聲警策	路逢老人	路覩死屍	耶輸應夢	夜半踰城

金刀落髮	車匿還宮	勸請迴宮	六年苦行	牧女乳糜	帝釋獻衣	天人獻草	坐菩提座
車匿辭還	詰問林僊	調伏二僊	遠餉資糧	禪河澡浴	詣菩提塲	龍王讚歎	魔王得夢



魔子諫父

魔女炫媚

魔軍拒戰

魔眾搜鉗

地神作證

魔子懺悔

菩薩降魔

成等正覺

六半菩薩

變喻資財

隨處國宮

隨處之對

車圓髮官

諸問林對

金尺密集

車圓髮對



釋迦如來應化錄上

報恩寺沙門寶成編集

釋迦垂迹

釋迦者梵語也華言能仁即娑婆世界化佛之姓也垂迹者菩提之為極也神妙寂通圓智湛照道絕形識之封理顯生滅之境然釋迦如來最初得佛之後大悲利物示有始終聖人之利見於世也則必有降本垂迹開迹顯本之妙存焉夫本者法身之謂也迹者八相之謂也由法身以垂八相由八相以顯法身本迹相融俱不可思議豈實誕於王宮寧真謝於雙





林但愍群迷長寢同歸大覺緣來斯化感至必應若  
德而不生誰能悟俗化而無名何以導世矣是以標  
號釋迦名種刹利體域中之尊冠入大之秀然後脫  
屣儲王真觀道樹捨金輪而馭大子明玉毫而制法  
界今約如來因行引經論叙聖源用明法王一代化  
儀始終之義此所以度衆生之善迹也

最初因地

佛本行經云我念往昔作轉輪王身值三十億佛同  
號釋迦如來值八億佛號然燈如來值三億佛號弗  
沙如來值九萬佛號迦葉如來值六萬佛號燈明如

來曾供養一萬八千佛號娑羅王如來又一萬佛號  
能度彼岸如來又一萬五千佛號日如來又二千佛  
號憍陳如如來又六千佛號龍如來又一千佛號紫  
幢如來又五百佛號蓮華上如來又六十四佛號螺  
髻如來又一佛號正行如來又八千億辟支佛有二  
佛號善恩如來又一佛號示誨幢如來我於彼佛國  
中作輪王名曰牢母初發道心種諸善根晝夜精勤  
發廣大誓願於當來得作佛時有諸衆生不孝父母  
不敬沙門不識家內親踈尊卑不信三世因緣業果  
唯行貪欲瞋恚愚癡具定十惡憐愍彼等衆生說法



教化作多利益救護眾生慈悲拔濟令離諸苦後供  
養燃燈佛授記作佛  
買花供佛  
因果經云過去無數阿僧祇劫有仙人善慧時燈照  
王太子名普光啓父出家成菩提道善慧初與五百  
外道講論義勝各以銀錢上之與外道別當狂然燈  
佛所欲施供養見王青衣持七莖蓮華過追問此華  
賣否各言當送王宮欲以上佛善慧即以五百銀錢  
買五莖華以用供佛青衣從命并寄一華以獻於佛  
時王及大臣禮佛散華華悉墮地善慧五華皆任空

中化成華意後散一華任佛兩邊佛讚善慧汝過阿  
僧祇劫當得成佛號釋迦牟尼善慧見地溷濕即脫  
鹿皮衣以用布地解髮以覆之待佛行過佛記之曰  
汝後作佛當於五濁惡世度諸天人時善慧求佛出  
家佛言善來比丘剋除鬚髮著袈裟衣即成沙門遂  
合掌以偈讚佛今見世間道令我開慧眼為說清淨  
法去離一切著今遇天人尊我今得無生願將來獲  
果亦如兩足尊

上託兜率

佛本行集經云爾時護明菩薩從迦葉佛所護持禁



戒梵行清淨命終之後正念往生兜率陀天而其一生補處菩薩多生此天智慧滿足心生歡喜在下諸天多有放逸上界諸天禪定力多寂定軟弱不求下生但受於樂菩薩不然但為教化天上諸天人故生兜率天諸天人眾稱為護明菩薩既生天已諸天宮殿光明照耀自然莊嚴復有無量莊嚴之事菩薩設見最勝最妙五欲之樂心不迷惑不曾忘失正念本緣在兜率天滿四千歲為彼諸天顯示法相令其生厭菩薩即以天眼遙觀下界人間眾生造種種惡業生老病死眾苦逼迫無解脫時欲生人間救濟一切

眾生種種諸苦為欲安樂諸眾生故為欲教化眾生說種種法是故我今即當下生人間出家學道成阿耨多羅三藐三菩提轉無上法輪度諸眾生滅盡諸苦成無上道

瞿曇靈寶姓

釋迦譜云自劫初平等王至大茅草王子懿摩王王孫征與弟從波羅門學姓曰瞿曇而受之言當去王衣如吾所服受瞿曇姓既入深山形服殊異無能識者於甘蔗園以為精舍時有盜賊從田園過捕盜尋跡執小瞿曇至今以木貫身射之立以為標血流於



地大瞿曇仙天眼見之神足飛來我徒何罪酷乃是  
乎取土中血以泥團之持還精舍左血著於左器之  
中其右亦然瞿曇仙人乃咒願曰若其至誠願天神  
有知使血化成人却後十月左即成男右即成女  
因名瞿曇或名甘蔗至師子頰王生四太子一名淨  
飯一名白飯三名斛飯四名甘露飯印度族姓有四  
刹帝利王種婆羅門淨行種吠舍商賈種戌陀羅屠  
創種前一貴姓後二賤姓隨時所尚佛生其中釋迦  
出剛強之世託王種以振威淨飯遠祖捨國脩行受  
瞿曇姓世為貴種

### 淨飯聖王

因果經云爾時善慧菩薩功行滿足位登十地在一  
生補處近一切種智生兜率天名聖善慧為諸天主  
說一生補處之行亦於十方國土現種種身為諸眾  
生隨應說法期運將至當下作佛現五種瑞一者放  
大光明二者大地十八相動三者魔宮隱蔽四者日  
月無光五者天龍八部悉皆震動又觀五事一者觀  
諸眾生緣熟二者觀時將至三者觀諸國土何國最  
勝四者觀諸種族何族尊貴五者觀過去因緣誰最  
真正應為父母即自思惟摩竭提國其母雖正其父



不真和沙國受他節度維耶離國多好鬪誹發樹國  
舉動皆妄餘國邊地皆不應生唯自維衛羅國於此  
三千大千世界此閻浮提最處其中諸族種姓刹帝  
利第一瞿曇苗裔聖王之後其淨飯王於諸世間具  
足清淨性行仁賢聰明智慧夫妻真正堪為父母即  
當於彼王種中生

### 摩耶託夢

因果經云爾時善慧菩薩從兜率宮降神母胎于時  
摩耶夫人於眠寤之際見菩薩乘六牙白象騰空而  
來從右脇入身現於外如處琉璃夫人體安快樂如

服甘露願見自身如日月照見此相已廓然而覺便  
至淨飯王所自言我於眠寤之際夢見菩薩乘六牙  
白象來入我右脇此何瑞相時王即召善相婆羅門  
至說夫人所夢有何凶吉婆羅門占曰夫人必懷太  
子此善妙相不可具說今當為王畧而言之今此夫  
人必懷聖子定能光顯釋種降胎之時放大光明諸  
天釋梵執侍圍繞此相必是正覺之瑞若不出家為  
轉輪聖王王四天下七寶自至千子具足時摩耶夫  
人自從菩薩處胎以來每日精修六波羅密功行天  
獻飲食自然而至不復樂於人間之味三千大千世



界六種震動諸抱疾者皆悉除愈百谷苗稼自然豐稔國大安樂

### 樹下誕生

本行經云摩耶聖母懷孕將滿十月壽欲生時引諸姝女遊嵐毗尼園大吉祥地安詳徐步處處觀看園中有一大樹名波羅又柔軟低垂夫人即舉右手攀彼樹枝遂生太子放大光明即時諸天世間悉皆遍照時天帝釋將天細妙橋尸迦衣裹於自手承接太子四大天王抱持太子向於母前無人扶持即行四方面谷七步舉足出大蓮華觀視四方口自唱言天

上天下惟吾獨尊一切世間諸天及人恭敬供養地忽自然湧出二池一冷一暖清淨香水又虛空中九龍吐水浴太子身諸天音樂雨妙香華供養太子十方大地六種震動一切衆生皆受快樂當此土周昭王二十四年甲寅歲四月八日是日江河泛溢山川宮殿震動有五色光貫太微宮王問羣臣太史蘇由奏曰西方有聖人生却後千年教法來此王令鑄石埋於南郊誌之

### 從園還城

本行經云有一大臣詣嵐毗園外立見一女人疾徒



而出歡喜踊躍見已報言國太夫人產一太子汝今  
可還向大王所奏是喜事大臣調馬行疾如風來見  
於王先打歡喜之鼓淨飯王坐寶殿上輔相大臣治  
理國政忽聞歡喜鼓聲時王驚問大臣答言大王夫  
人生一太子形似天人身黃金色放大光明王聞是  
言卽往園中欲看太子至彼園已白夫人言宜於太  
子住處作吉祥事吾欲面見觀視太子時有女人抱  
持太子將詣王所時淨飯王自心思惟太子入城作  
何輦輦時毗首羯磨天化作七寶輦輦四大天王各  
變其身悉並年幼頭爲螺髻端正可喜躬御太子寶

輦而行時淨飯王令諸童子身著黃衣左手執金瓶  
右手持寶杖在太子前却從而行復有無量諸天玉  
女各持諸天雜寶香爐焚燒種種微妙之香供養太  
子引道而行

### 仙人占相

本行經云爾時淨飯王卽召相師觀占太子吉凶之  
相諸相師等一心瞻看太子形容各依先聖諸論答  
言此太子者有大盛德今生王家身有三十二相於  
世間中則有二種若在家受世樂者則作轉輪聖王  
七寶具足若捨王位出家學道得成如來應正遍知



各稱遠聞充滿世界復有阿私陀仙至淨飯王宮求見太子大王慈恩願當示我夫人手抱太子令向仙人仙人兩手抱持太子安於頂上復置膝上即報王言今此太子身黃金色頭圓鼻直足滿臂長猶如金像備具三十二相八十種好必定出家學道得成阿耨多羅三藐三菩提當轉無上法輪能於一切天人魔梵沙門婆羅門等闡揚正法若聞法者皆得解脫仙人言已作是思惟今當有佛由興於世自恨衰老不植如來常處長夜恒迷正法於是悲啼懊惱歔歔哽咽乘空而去

### 大赦修福

佛本行集經云爾時淨飯王告諸群臣等卿諸臣等言爲我太子國內所有禁殺囚徒皆悉赦令得解脫乃至一切諸禽獸等亦並放捨復告國師婆羅門言若知所有精進諸婆羅門等或百或千聚集之處隨意所須悉皆布施所有天寺及神廟堂皆令修治依法祭祀爲我太子令得大福爾時國師婆羅門等即依王命四方召得三萬二千諸婆羅門日別令入淨飯王宮所有資財悉特布施滿七日夜所有功德回施太子願令增進而說偈言淨飯王心大歡喜以



生福德太子故一切羣臣皆聚集天下四寶普放恩  
誕育既稱適本心殷重欲爲作生法持彼百千乳牛  
犢皆金裝用銀飾蹄年齒悉壯毛色鮮各各從犢隨  
其後膚體充肥多乳汁一頭一搗得十升更有無量  
種珍奇錢財穀帛諸雜物爲令太子增益故布施於  
彼婆羅門

### 姨母養育

本行經云爾時太子既以誕生適滿七日摩耶夫人  
其形羸瘦遂便命終即便往生忉利天上在於天上  
思憶太子與諸姊妹女左右圍遶各持天妙香花從虛

空下詣太子所處處遍散漸到王宮語淨飯王言我  
於往昔懷孕之時滿足十月受於快樂我今得生天  
上還受快樂願莫爲我生大憂苦即便隱身還彼天  
宮時淨飯王即將太子付囑姨母摩訶波闍波提言  
汝是太子姨母應當養育善須護持應令增長依時  
乳浴又別揀取三十二女令助養育八女抱持八女  
洗浴八女令乳八女戲弄爾時姨母謹依王勅不敢  
乖違姨母養育太子譬如日月從初一日至十五日  
清淨圓滿養育太子亦復如是又復譬如尼拘陀樹  
得種好地而漸增長後成大樹從其太子出生已來



淨飯王家一切財物金銀珍寶牛羊象馬日日增長  
無所乏少

往謁天祠

大莊嚴經云菩薩生已諸釋眷屬詣淨飯王所白言  
大王今者可將太子謁於天祠以祈終吉王即許之  
淨飯王告摩訶波闍波提言欲將太子往於天廟并  
勅宮人並須嚴飾以諸寶服莊嚴太子時淨飯王自  
將太子乘車而出及諸大臣釋氏眷屬前後翊從燒  
香散花滿於街路象馬車乘無量軍衆執持幡蓋無  
數妓女鼓樂歌舞隨從而行無量諸天於虛空中散

衆天花時淨飯王威儀整肅詣於天廟至天廟已王  
自抱持太子入天廟中足踰門闥所有諸天形像皆  
從座起迎於天子曲躬而立時衆會中百千天人皆  
大歡喜迦毗羅國六種震動諸天形像各現本形而  
說偈言 聖子如日月亦復如溟海而與須彌等不  
宜恭敬我福慧及威力禮者獲大利若人去橋慢生  
天證涅槃太子示入天廟時無量諸天人民發阿耨  
多羅三藐三菩提心

園林嬉戲

本行經云時淨飯王爲太子作衆寶瓔珞勝妙花鬘



寶冠腰帶莊嚴太子時摩訶波闍波提懷抱太子安置膝上坐寶寶車中無數童男童女皆以諸寶瓔珞莊飾其身手執諸花於前引導太子往詣園林爾時釋種親族童子童女各持鹿車羊車復持種種船舫種種鼓樂簫笛琴瑟牛羊獅象諸雜鳥形一切器仗列太子前恣令嬉戲復置羝羊真金爲鞍令太子乘園中遊戲彼諸童子亦乘羊車伴太子戲童子童女各各歡笑人人拍手歌舞叫嘯或復聚沙爲塔散花禮拜令其太子恣意嬉戲具足八年如是娛樂太子增長智慧不似世之嬰孩流涕不淨無有糞穢亦不嘔

啼呻吟嘔縮不飢不渴諸母養育常生歡喜時彼園內有一天神名曰離垢然彼天神在於虛空隱其身身即持種種天花散於太子頂上姨母抱持太子坐寶車上還其本宮

習學子書數

本行經云淨飯王知其太子年已八歲而告群臣卿等當知訪問國中智慧第一堪爲太子師者教太子讀書及餘諸論咸言有毗舍婆蜜多羅善知經論堪教太子諸釋種童子亦隨太子而學太子將昇學堂毗舍婆蜜多羅遙見太子遂起身頂禮自覺羞慙見



虛空中諸天神王守護太子以諸天花散太子。上太子既初入學而問師言教我梵書仙書若此書凡有六十四種未審尊師教我何書是時毗奢婆密多羅聞太子說是書名遂懷私慙折伏貢高我慢之心向於太子前而說偈言希有清淨智慧人善順於諸世間法自己通達一切論復更來入我學堂如是書名我未知汝今悉皆誦持得是爲天人大尊道今復更欲覓於師爾時釋種童子俱入學堂讀書寫字太子威德力故復有諸天神力加護諸釋童子皆悉通達

書數經論

### 講演演武藝

本行經云時淨飯王復集羣臣卿諸臣等誰知何處有師最能武藝堪教太子答言摩提提婆堪教太子兵戎法式其所解知凡有二十九種悉皆通達王造園苑擬以遊戲提婆將引太子入園教戎技智太子見已悉皆棄捨我自解此不須更學提婆卽教其餘釋種太子於此一切諸技何假須教復欲教習請王要法所謂天文祭祀古察懸射前事謬語知禽獸音達於聲論造作諸技因我報答呪術雜事十餘種名古先治化一切書典教於太子及自他釋亦如是教



又復世人積年累月所學問者，或成不成，彼等衆技一切諸論，太子能於一時之中，及餘釋種，不須習學，悉皆通達，一切自在。是時提婆即爲太子，而說偈言：汝於年幼時，宴席而學問，不用多功力，須臾而自解。於少日月學，勝他多年歲，所得諸技藝，成就悉過人。提婆慚耻，反禮太子。太子人國，幾於外，皆太子。太子灌頂，映其首，而大慈，皆盡。王讚過去因果經云：爾時淨飯王，即會群臣，而共議言：太子今者年已長大，智慧勇健，皆悉具足，今宜應以四大海水灌太子頂，又復勅下餘小國王，却後二月八日。

日灌太子頂，皆可來集。至二月八日，諸餘國王，并及仙人、婆羅門等，皆悉雲集，懸繒幡蓋，燒香散花，鳴鐘擊鼓，作諸妓樂，以七寶器盛四海水，諸仙人衆各各頂戴，授婆羅門。如是乃至遍及諸臣，悉已頂戴，傳授與王。時王即以灌太子頂，以七寶印而用付之。又擊大鼓，高聲唱言：今立薩婆悉達，以爲太子。爾時虛空天龍夜叉人非人等，作天妓樂，異口同音讚言：善哉！當於迦毗羅衛國立太子時，餘八國王亦於是日同立太子。太子啓王出遊園苑，王即聽許，群臣導從，遊觀田野，看諸耕人起大慈悲，即便思惟，離諸愛欲。王



聞此語，心生憂惱，慮其出家，宜急婚媾，以悅其意，更增奴女，而娛樂之。

### 遊觀農務

普曜經云：爾時太子年遂長大，啓於父王，與群臣俱遊於村落，觀耕犁者，勤勞執役，見地耕轉，虫隨土出，鳥鳥尋啄。太子見已，起慈悲心，哀嗟世間，有如斯苦，匆匆不安，人命其短，憂畏無量，日月流邁，出息不保，就於後世，天人始終，三惡道苦，不可稱載。五趣生死輪轉，無際沉沒，不覺痛苦難喻。又見園中有闍浮樹，枝葉茂盛，在彼樹下，結加趺坐，一心禪思，三昧正受。

以爲第一，五百神仙飛行，虛空不能得過。時諸仙人卽下，住地觀見菩薩禪思，坐定數未嘗有於時日照。樹曲覆菩薩身，一切樹木皆悉曲，躬向於菩薩。群臣見已，疾往啓王。時王聞之，前詣樹下，卽見太子威神吉祥，巍巍無量，而說偈言：如火在山頂，如月在衆星。現身樹下，禪威光無不照。其初生之時，身自坐禪思，其身威神光明，徹普遍照十方。諸天人因是得濟度，卽同太子嚴駕還宮。

### 諸王抽力

本行經云：淨飯王與大臣娑呵提婆，諭諸釋種童子。



武藝之中誰能最勝於戲場中安施鐵鼓提婆達多射徹三鼓難陀卽射亦徹三鼓有司進弓太子試弓以弓力弱令取內庫祖王所用良弓太子牽挽平胸而射一箭穿過七箇鐵鼓其箭射達十拘盧奢復更別立鐵猪太子一箭便穿七鐵猪彼箭入地卽成一井於今人民常稱箭井爾時諸天各將天花散太子前帝釋取箭上天起塔供養時淨飯王旣見太子技能皆悉勝彼救取白象擬太子乘提婆達多先入城見此白象問言何往蒼言擬太子乘時提婆達多我慢興盛左手執鼻右手築額一拳倒地遂卽命終塞

彼城門往來不通難陀次至見象塞路執彼象鼻牽離城門太子見已左手舉象以右手承從於虛空擲至城外一拘盧奢而象墮地卽成大坑至今人民相傳此處名爲象坑

### 月婁悉達納妃

因果經云爾時淨飯王集諸羣臣而共議言太子年已長大宜應娶婚諸臣答言有釋種婆羅門名摩訶那摩有女名耶輸陀羅顏容端正聰明智慧賢德過人禮儀備具有如是德堪爲太子妃王言若如卿儀便爲納之王還宮內卽敕老成宮女汝往摩訶那摩



長者家瞻看其女容貌儀禮節如何可停於彼十日女  
受王敷徃彼長者家瞻看此女還答王言觀看此女  
容貌端正威儀進止無與等者王即遣人語摩訶那  
摩長者言太子年長欲爲納妃汝女善淑宜堪此舉  
時長者答使者言謹奉敷旨王即令諸大臣擇取吉  
日遣車具禮而徃迎之既至宮已具足太子婚納之  
禮又復更增二妃一名瞿夷一名鹿野并諸姝女娛  
樂太子以有三妃造三時殿爾時太子恒與其妃行  
住坐卧無有世俗之意於靜夜中但修禪觀未嘗與  
妃有夫婦之道

### 五欲娛樂

本行經云爾時淨飯王爲太子立三等宮姝女三千  
侍御太子第一宮姝女當於初夜第二宮姝女於半  
夜時第三宮姝女於後夜時奉侍太子時淨飯王念  
阿私陀仙人所說復置諸雜音樂各各千數常於宮  
內晝夜不絕太子在於姝女之中受諸快樂不須遠  
涉出宮外遊時飯王爲增太子諸功德故建立苦行  
斷於一切諸邪惡法行一切善布施諸物造衆福業  
備行苦行以此善根廻資太子爲令增長諸功德故  
願莫出家太子在於父王宮內唯獨一人具足五欲



娛樂逍遙嬉戲自恣足滿十年不曾出家淨飯王於太子所任宮院周匝別更造立子城唯置一門安施機發開閉之時五百人扶持擁衛方得開闔其門聲動聞半由旬內外悉羅壯士防守身着鎧甲禁衛宮闈如是嚴緊恐畏太子捨離椒房踰越出家自在娛樂不復遊戲

空聲敬言策

本行經云爾時虛空有一天子名曰作瓶見是太子十年在宮受五欲樂莫為貪着心醉荒迷情放盈溢百年迅速時不待人護明菩薩今須覺察早應捨棄

捨俗出家我若不先為彼作於厭離之相則彼耽湏未有醒悟發出家心我今應當贊助其事即於空中而說偈言善哉仁者年盛時宜速出家今滿願應當利益天人等五欲行者不可厭沒溺六塵境捨難唯有出世行大智乃能厭離此五欲是故仁今可拍棄衆生多有煩惱患仁當為作大醫師說妙種種法藥王速疾將向涅槃岸無明黑暗所障蔽諸見羅網種種纏速然智慧大明燈早使天人得淨眼空中天子說此偈已威神感動發勸因緣復以太子宿世善根福德力故令彼宮中姝女所作音聲不順五欲之事



唯傳涅槃任持信解微妙諸法之聲欲令太子厭離  
世間心生覺悟

### 飯王應夢

本行經云爾時作瓶天子以神通力欲令太子發出  
家心卽於其夜與淨飯王七種夢相一夢帝釋幢從  
東門出二夢太子乘大白象城南門出三夢太子駕  
駟馬車城西門出四夢雜寶莊嚴大輪城北門出五  
夢太子在城中央大街手執一槌搥打大鼓六夢太  
子坐高樓上散施珍寶四方諸人來將寶去七夢城  
外不遠有於六人舉聲大哭宛轉於地王夢是相心

大惶怖明日召占夢師說如上夢答言不知王復憂  
愁時作瓶天化婆羅門言善能解夢大王召入說七  
種夢婆羅門言第一太子出家瑞相第二證果相第  
三得四無畏相第四成佛相第五轉法輪相第六三  
十七品法寶相第七外道六師憂惱相化人為王詳  
說夢已白言大王當生歡喜勿懷恐怖憂愁不樂大  
王聞已重增太子五欲之具令太子愛戀不樂出家  
免吾憂念使我安樂

### 路逢老人

本行經云爾時作瓶天子欲令太子出向園林觀看



好惡發狀離心漸教捨離於彼五慾讚歎園林甚可愛樂太子聞已發心令速嚴飾莊校好車於彼園林觀看遊玩馭者奏淨飯王王出敕令悉遣洒掃爾時太子登上寶車從城東門而出作瓶天子變身化作一老弊人偃偻低頭鬚髮如雪四肢顫掉行步不安唯仰杖力如是相貌在太子前順路而行太子見彼老人身體極瘦衰相即問馭者此是何人馭者白太子言此是老人太子復問何者名老馭者答言凡名老者為諸衰耄所逼諸根漸敗無所覺知非朝即夕其命將終太子復問我今此身亦當如是受老相耶

答言太子貴賤雖殊凡是有生悉皆有老即今人身具有如是老相但未現耳太子復言我今不向園林遊戲宜速回駕還入宮中心自思惟作何方便得免衰老之相出家學道

道目見病卧答言非國典人以此太子當答本本行經云爾時作瓶天子復見思惟菩薩在彼宮內著於五欲放逸情蕩已經多時世間無常盛年易失應當早捨宮內出家使其覺悟令速厭離菩薩宿福因緣忽然發心欲出遊戲太子即召馭者言莊嚴好車出城遊玩太子乘車從城南門出漸向園林作瓶



天子於太子前路化作一病患，人身體羸瘦，面色痿黃，喘氣微弱，命在須臾。太子見病人，已問馭者言：「此是何人馭者？」報言：「此是病人。」復問：「何名病人？」答曰：「此人不善安隱，威德已盡，困篤無力，死時將至，無處歸依。此人不久自應命終，欲得求生，無有是處。」復問：「獨此人為當一切答言：非獨此人一切，天人皆悉。未免太子告言：若我此身不脫是病，難得度者。我今不假園林遊戲，即勒迴車而還宮中，靜坐思惟，一心繫念淨飯王，聞已憶阿私陀仙受記之語，決定真實。太子莫復捨我出家。」

### 路觀死屍

本行經云：時作瓶天子復發是念，菩薩宮內極意歡娛。我今可為厭離五欲，早令出家。令從宮內向彼園林。是時太子謂善馭者：汝可速駕駟馬寶車，我欲出城詣園遊戲。太子坐車從城西門出，向於外觀看園林。作瓶天子於太子前化作一屍在於路上。太子見之心懷慘惻，謂馭者言：「此是阿誰？」卧於路上。馭者答言：「此名死屍。」太子復問馭者：「死屍是何？」馭者報言：「太子此人已捨世間之命，無有威德。今同木石拾捨親族一切，識知唯獨精神自向彼世。從今已後不復更。」



見父母兄弟妻子眷屬如足眷屬生死別離更無重  
見故名死屍復問馭者我亦有此死否馭者報言太  
子尊身於此死法亦未免脫一切世間之人無分貴  
賤不擇賢愚皆不免死太子聞已情思不悅迴駕還  
宮端坐思惟默然繫念人人貴賤受福若盡無常至  
時皆無有異也

得遇沙門

大莊嚴經云爾時太子召馭者言今日欲往園林遊  
玩汝可嚴駕馭者奏玉王謂馭者曰太子前出三門  
見老病死愁憂不樂今日宜令從北門出嚴飾道路

香花幡蓋倍勝於前太子與諸官屬前後道從出城  
北門爾時淨居天化作比丘著壞色衣剃除鬚髮手  
持錫杖徐步而行形貌端嚴威儀整肅太子遙見問  
是何人時淨居天以神通力令彼馭者報太子言如  
是名爲出家人也太子即便下車作禮因而問之夫  
出家者何所利益比丘答言我見在家生老病死一  
切無常皆是敗壞不安之法故捨親族處於空閑勤  
求方便得免斯苦我所修習無漏聖道行於正法調  
伏諸根起大慈悲能施無畏心行平等護念衆生不  
染世間永得解脫是故名爲出家之法太子聞已深



生歡喜天人之中唯此為上我當決定修學此道既見是已登駕而還

耶輸應夢

本行經云時太子妃耶輸陀羅即於是夜便覺有娠爾時其夜疲極睡眠卧夢見有二十種可畏之事忽然驚起報太子言夢見大地周而震動有帝釋幢崩倒於地天上星宿悉皆墮落最大傘蓋車匿持去我頭髮髻刀截而去我身瓔珞為水所漂我之身形漸成醜陋我身手足自然墮落我此身形忽然赤露我所坐牀自塌於地我眠卧床四脚摧折眾寶大山崩

頽墮地宮內大樹被風吹倒明月團圓忽然而沒紅日照明忽然黑暗宮城炬火出向城外護城之神忽然啼哭迦毘羅城忽為曠野園林花果並皆凋落防衛壯士交橫馳走自言太子我見如是二十種惡夢心大恐怖驚疑不安為復我身壽命欲盡為共太子因愛別離太子聞是語已自心思惟我今不久捨世出家復慰諭耶輸言汝見如是惡夢不須懷憂但當安隱無復煩惱

初啟山出家

莊嚴經云菩薩於靜夜中作是思惟若不啟父王私



自出家違於教法不順俗理從其所任請父王宮放  
大光明長跪合掌白父王言願欲出家王聞此言涕  
泣不許重白父言有四種願當斷出家一願不老二  
恒少壯三常無病四恒不死王卽告言此願甚難諸  
仙世人誰免老死王召親族而作是言太子昨夜來  
請出家我若許之國無繼嗣作何方便令其息心諸  
族白言我等當共守護太子太子何力能強出家王  
勅親族城東門外置其五百釋種童子英威勇健制  
勝無前一童子有五百輛鬪戰之車以爲嚴衛五  
百力士執戟於前南西北門如上所說於其城上周

而分布五百壯士擐甲持矛晝夜巡警言無暫休息國  
大夫人波闍波提於王宮內集諸姝女自從今夜無  
令眠睡戶牖重關堅持鎖鑰守護太子莫生怠慢勿  
使出家悉無依怙

### 夜半踰城

莊嚴經云爾時菩薩於音樂殿中端坐思惟過去諸  
佛皆發四種大願一者願我未來自證法性於法自  
在得爲法王以精進智救拔三界愛縛苦惱衆生二  
者有諸衆生嬰此生死黑暗稠林患彼愚痴無明瞽  
目以空無相無願爲燈爲藥破諸暗惑除其重障成



就如是方便智門三者有諸眾生豎高慢幢起我我所心想倒見虛妄執著爲說正法令其悟解四者見諸眾生處不寂靜三世流轉如旋火輪亦如團絲自纏自縛爲彼說法令得解縛太子語車匿言汝可鞞軛來車匿答言今始半夜何用鞞馬太子復言我今出家莫違我意淨居諸天令彼軍士嫁女悉皆昏聩都無覺知車匿卽鞞馬畢太子乘已初學步時大地六種震動昇空而去四六天王捧承馬足梵王帝釋翊從引路至彼往古跋伽仙人苦行林中卽便下馬端然而坐

### 金刀落髮

莊嚴經云菩薩作是思惟若不剃除鬚髮非出家法乃取金刀卽自剃髮而發願言願斷一切煩惱及以習障時天帝釋卽以天衣於空取髮還天供養菩薩自觀身上猶著寶衣卽作念言出家之服不當如是時淨居天化作獵師身著袈裟手持弓箭默然而住語獵者言汝所著者乃是往古諸佛之服云何著此而爲罪耶獵者言我著此衣以捕羣鹿鹿見此服而不避我方得殺之菩薩言汝著袈裟專爲殺定我今若得惟求解脫我今與汝憍奢耶衣汝可與我麤弊



永服是時獵者即脫袈裟授與菩薩菩薩于時心生  
歡喜即便與彼憍奢耶衣時淨居天以神通力忽現  
本形飛上虛空還至梵天菩薩見已於此袈裟倍生  
殷重于時菩薩身著袈裟儀容改變作如是言我今  
始名真出家也於是安詳徐步至彼跋渠仙人苦行  
林中一心求道矣

車匿辭還

莊嚴經云時太子至山林已慰諭車匿世間之人或  
有心從而形不隨或有形隨而心不從汝今心形皆  
悉隨我世間之人見富貴者競來奉事現貧賤者棄

而遠之我今捨國來至於此惟汝一人獨能隨我我  
今既得至閑曠處即自解衣取莊嚴具還於宮中奉  
上父王作如是言太子今者於世間法無復希求不  
為生天受五欲樂亦非不孝亦無嗔忿嫌恨之心但  
見世間眾生迷於正路沒在生死為欲拔濟眾生故  
出家耳惟願父王勿生憂慮若謂我今年少未應出  
家汝以我言方便諮啓生老病死豈有定時人雖少  
盛誰能獨免又脫諸餘嚴身之服與耶輸陀羅言人  
生於世愛必別離我今為斷此諸苦故出家學道勿  
以戀著橫生憂愁及語宮中諸嫗女等并告釋種童



子我今欲破無明網故愿成正覺所為事畢當還相見事匿涕泣而迴

車匿還宮

莊嚴經云是時車匿牽其白馬并賣瓔珞諸莊嚴具將入王宮其馬嘶聲聞於宮內摩訶波闍波提及耶輸陀羅并諸采女皆來聚集共相謂言將非太子迴還宮耶車匿入宮門已姨母及妃并諸采女惟見車匿不見太子同時啼哭即問太子今在何處汝獨迴歸車匿答言太子棄捨五欲為求道故在彼山林著壞色衣剃除鬚髮姨母聞已放聲大哭責車匿言我

今何負於汝取我聖子送彼山林猛獸毒虫甚可怖畏而今獨任將何所依車匿言太子付我白馬及諸寶具令我速還太子囑我汝到宮時拜上姨母殷勤勸諭莫生憂念在此不久得成正覺還當相見耶輸陀羅責車匿言汝今何故損害於我車匿答言但以請天神力使守衛之人咸皆熟睡無所覺知太子出宮如日昇天放大光明諸天捧承馬足而去非于車匿之事也

詰問林僊

因果經云爾時太子至跋伽仙人林中鳥獸矚目仙



人遙見太子謂是天神與諸徒衆迎太子坐太子觀  
察仙人之行或披軟草或披樹葉以爲衣服或食草  
木花果或一日一食二日一食三日一食或事水火  
或奉日月或翹一足或卧塵土荆棘或卧水火之側  
太子問其所由仙人答言爲欲生天太子告仙人言  
諸天雖樂福盡則墜輪迴六道終爲苦聚我今學道  
爲斷苦本太子與諸仙人設此議論言語往復及至  
日暮太子即便停彼一宿明且辭去有一仙人善知  
相法語衆人言今此仁者諸相具足必當得於一切  
種智爲天人師我等所學道異不敢相留仁者若去

可向此行彼有大仙名阿羅邏迦蘭仁者可往就其  
講論我觀仁者亦當不必住於彼論於是太子即便  
北行諸仙人衆見太子去心懷懊惱合掌相送極望  
絕視然後乃還

### 勸請迴宮

因果經云時淨飯王遣太子師及以太臣至跋伽仙  
人苦行林中問於仙人太子出家學道曾至此林否  
大仙答曰有一童子共我議論今詣阿羅邏迦仙人  
處師別卽往彼仙人所果見太子師卽白太子言大  
王久知太子深樂出家此意難迴然王於太子恩愛



情深願請迴駕還返宮中不令太子全棄道業靜心之處何必山林太子答言我豈不知恩愛情深但是生老病死之苦爲斷除故是以來此我今修道終不回還師自思惟奉受王使來請太子而復不能轉太子意徠徠路側不能自返互相議言旣爲王使而無力効今者空歸云何奉答我等當留所從五人聰明智慧心意柔軟爲性忠直密令伺察者其進止守護給侍語懽陳如汝等五人悉能住在此否五人答曰善哉依命當密守護師及大臣辭別太子悲泣而迴

### 調伏一僊

因果經云太子至阿羅邏所太子問言生死根本云何斷之仙人答曰持戒忍辱修習禪定有覺有觀得初禪除覺觀定生入喜心得二禪捨喜心得正念具樂根得三禪除苦樂得淨念入捨根得四禪獲無想報太子復問非想非非想處爲有我耶爲無我耶若言無我不應言非想非非想若言有我我爲有知我爲無知我若無知則同草木我若有知則有攀緣既有攀緣則有染著故非解脫汝以盡於籠結而不自知細結猶存以是之故謂爲究竟細結滋長復受下生以此因故非度彼岸若能除我及以我想一切盡



捨是則名為真解脫也。仙人默然。心自思惟。太子所說其為微妙。于時太子為求勝法。劄別而去。仙人白言。汝若成道。願先度我。太子答言。善哉。次至迦蘭所住之處。論議問答。亦復如是。太子即便辭去。仙人奉送絕視。方還。

### 六年苦行

普曜經云。爾時太子作是思惟。六年之中。示大勤苦。精進之行。因是現行四禪。數出入息。令其意解。無想不念。無所希望。在所至。湊心無所倚。欲現世間開化外學。若干品業。訓誨諸天。示其罪福。外學異術。計死

斷絕神。無所生。或言。自有常云。無罪福。為分。此說功福之報。現身口意。當行清淨。日服一麻一麥。六年之中。修立難行勤苦之行。宿命不債。六年之中。結加趺坐。威儀進止。未嘗有缺。亦無覆蓋。不避風雨。不起經行。大小便利。亦不屈伸。亦不傾側。身不倚。卧。春夏秋冬。巍然端坐。值有象難。未曾舉手。以自蔽障。諸根不亂。目不邪視。心不恐怖。鵲巢樹上。抱卵哺雛。糞汚其身。亦不棄去。天龍八部。目自覩見。菩薩功勳。道德巍巍。來往其邊。供養奉事。太子定坐。六年現勤苦行。教授開化天人。立之三乘。以是之故。坐六年耳。成無上道。



廣度眾生  
遠餉資糧

因果經云太子至伽闍山苦行林中求正真道日食一麻一麥修其苦行橋陳如等亦修苦行供奉太子既見此已即遣一人還白王師具說太子所修行事王師即往王所說如上事爾時淨飯王聞此語已心大煩惱舉身顫掉語王師言太子遂捨轉輪王位并父母親族恩愛之情遠去深山修其苦行我今薄福失此之子復以使人所言向波闍波提及耶輸陀羅而為說之時淨飯王與姨母及耶輸各嚴五百車乘

資糧之物令車匿送與太子隨時供養勿使乏少車匿領車疾速而去至彼見太子形容消瘦嚙泣而言大王憶念太子遣我送此資糧遠餉太子答言我違父母及捨國土遠來在此為求至道云何當復受此餉耶車匿聞已心自思惟太子今者既不肯受我當別覓一人領資糧車仍還王所我任於此奉侍太子不離左右

### 牧女乳糜

因果經云爾時太子心自思惟我今於伽闍山示修苦行日食一麻一麥身形消瘦有若枯木修其苦行



今滿六年我若復以此羸身而取道者彼諸外道當  
言自餓是般涅槃因我今雖復外是節節而有那羅  
延力亦不以此而取道果我當受食然後度生作是  
念已至尼連河側露地而坐時彼林外有二牧牛女  
人一名難陀一名波羅時淨居天勸牧女言太子今  
在林中汝可供養女人間已心大歡喜即擇肥牝持  
牛入河洗浴親手自取淳乳如法煎煮即取乳糜盛  
滿金鉢至太子所頭而禮足而以奉獻太子即便受  
彼女施而呪願之今所施食欲令食者得充氣力當  
使施者得色得力得捨得喜安樂無病終保年壽智

慧具足即復作如是言我為度脫諸眾生故而受此  
食呪願訖已即受食之身體光悅氣力充足堪受菩  
提

### 禪河澡浴

莊嚴經云爾時菩薩復作是念六年勤苦衣服弊壞  
於尸陀林下見有破糞掃衣將欲取之於時地神告  
虛空神言釋種太子捨輪王位捨是所棄糞掃之衣  
虛空之神聞已告三十三天乃至傳聞阿迦尼吒天  
菩薩手持糞掃之衣作如是言何處有水洗滌是衣  
有一天神以手指地遂成一池又念何處有石浣衣



時天帝釋卽以方石安處池畔菩薩見石遂洗浣衣  
帝釋白言我當爲菩薩洗浣此衣惟願聽許菩薩欲  
使將來諸比丘衆不令他人洗浣衣故不與帝釋洗  
浣卽便自洗浣衣已訖入池澡浴是時魔王波旬變  
其池岸極令高峻池邊有樹名阿斯那時樹神按  
樹令低菩薩攀枝得上河岸菩薩澡浴之時諸天散  
花遍蒲河岸菩薩浴竟諸天競取此水將還天宮池  
中水族飲其水已得生天上菩薩爲利益故度脫水  
族示現澡浴

帝釋獻衣

莊嚴經云爾時太子至尼連河洗浣故衣入水浴已  
河邊有一大樹於彼樹下自納故衣時淨居天子名  
無垢光將沙門應量袈裟供養菩薩於是菩薩卽受  
著之時聚落神告善生女汝宜營辦美食供養菩薩  
時善生女卽以金鉢盛滿乳糜持以奉獻菩薩受之  
時河中有龍妃名尼連茶耶從地涌出手執莊嚴  
微妙寶座奉獻菩薩菩薩受已卽坐其上取彼善生  
女所獻乳糜如意飽食淨盡無餘菩薩食於乳糜身  
體相好平復如本卽以金鉢擲致河中是時龍王生  
大歡喜收取金鉢官中供養時釋提桓因卽變其形



為金翅鳥從彼龍王奪取金鉢將還本宮起塔供養  
爾時菩薩從座而起龍妃還持所獻末座歸於本宮  
起塔供養菩薩由福慧力故食乳糜已三十二相八  
十種好圓光一等轉增赫奕菩薩正念詣菩提場而  
取正覺

### 詣菩提場

莊嚴經云菩薩正念向菩提樹時有王風雨神周遍  
洒掃盡令嚴淨菩薩身放無量光明普遍振動無邊  
刹土復有無量諸天奏天妙樂雨眾天華遍覆其地  
無量希有吉祥瑞相菩薩將欲向菩提樹其夜大梵

天王告諸梵眾言當知菩薩被精進甲智慧堅固成  
就菩薩之行通達波羅蜜門於菩薩地得大自在任  
於如來祕密之藏超諸魔境一切善法皆能自覺不  
由他人而得覺悟為諸如來大神通力之所護念當  
為眾生說解脫道菩薩以如是等無量功德詣菩提  
場為欲降伏眾魔怨故成阿耨多羅三藐三菩提欲  
圓滿十力四無所畏十八不共法轉正法輪故為欲  
作大師子吼施大法雨令諸眾生得滿足故令諸眾  
生得清淨法眼令諸外道息諍論故欲使本願得圓  
滿故於一切法得自在故不為世間八法所染猶如



蓮花不著於水

天人獻草

本行經云菩薩念言我今至菩提場欲作何座時淨  
居天自言大聖仁者過去諸佛皆坐草座而取正覺  
菩薩思惟誰能與我如是之草帝釋天王即化其身  
為刈草人不近不遠右邊而立刈取於草其草青綠  
顏色猶如孔雀項毛柔軟滑澤而手觸時猶如微細  
迦尸迦衣色妙香菩薩見於彼人刈如是草漸至  
人邊寬緩問言仁者汝何名字其人答言我名吉祥  
菩薩聞已心大歡喜如是思惟我今欲求吉祥他人

吉祥以名吉祥在於我前我今決當得證阿耨多羅  
三藐三菩提如是思惟出妙音聲復語刈草之人仁  
者汝能與我草否彼人答言我能與之即便刈草以  
奉菩薩其草淨妙菩薩即取彼草一把手自執持當  
時菩薩取草之時其地六種震動當是時菩薩將此  
草安詳徐步向於菩提樹下以為草座而取正覺利  
益衆生衆皆得慶  
龍王讚歎  
本行經云菩薩持草行時空中忽有青雀拘翅羅鳥  
孔雀白鶴迦陵頻伽共命之鳥數各五百右遶隨飛



復有天子天女亦各五百各執寶瓶散諸香華圍遶而行其地搖動彼地有一龍王名曰迦茶其龍長壽經歷劫數曾見往昔諸佛經過又龍日月晝夜甚長睡眠未久見大地動復聞震聲即便驚寤從自宮殿卽出觀看見自居處不遠有一菩薩安詳而行龍王見其菩薩頰知先瑞猶如過去諸大菩薩發心欲向菩提樹下一種無異見是相已更無疑心決定知此菩薩當證阿耨多羅三藐三菩提爾時黑色龍王有一龍妃名曰金光與諸龍女等各執諸妙香花雜色衣服寶幢幡蓋種種珍寶奉上供養作諸天樂其聲

微妙歌詠讚歎合十拍掌在菩薩前頭面頂禮菩薩語龍王言如汝所說我今必成阿耨多羅三藐三菩提廣度衆生

### 坐菩提座

莊嚴經云爾時菩薩向菩提場時無量菩薩并諸天衆各各莊飾菩提之樹其菩提樹高顯殊特百億由旬七寶所成有八萬四千一一皆願菩薩坐其樹下得成正覺一一樹下各隨色類敷師子座悉以衆寶莊嚴爾時菩薩示現取草周遍敷設如師子王具足勢力精進堅固無諸過失尊貴自在智慧覺悟有大



名稱降伏衆魔摧諸外道具足如是種種功德將證  
菩提而面向東於淨草上結加趺坐端身正念發大  
誓言我今若不證得無上菩提寧可碎是身終不起  
此座爾時菩薩昇菩提座卽證方廣神通遊戲首楞  
嚴定得是定已現身各各坐彼師王之座一一身上  
皆具衆妙相好莊嚴其餘菩薩并諸天人各各皆謂  
菩薩獨坐其座由定力故能令地獄餓鬼閻羅王界  
及諸人天皆見菩薩坐菩提座菩薩放大光明遍照  
十方諸佛刹土

魔王得夢

本行經云爾時菩薩從於眉間放白毫光遍照魔王  
宮殿翳彼諸魔之光魔王波旬於睡眠中得三十二  
種惡夢夢見宮殿震動忽然失火墻壁頽落盡爲瓦  
礫塵土空亂穢惡充滿象馬倒死鳥羽能落泉水枯  
乾樹木摧折身體寒熱面貌痿黃咽喉乾燥喘息不  
停衣裳垢膩天冠墮落天王號哭魔軍憂惱魔子大  
叫魔民逃散乃伏損失樂器破壞左右遠離朋友雙  
怨玉女赤露諸女啼哭心緒昏亂恐怖不樂仙言不  
吉神唱不祥諸方馳走無處自在魔王得是不祥之  
夢內懷恐懼心意不安普喚至一切諸魔眷屬皆令



集聚向說夜夢所見之事我應不交必失此處恐畏  
更有大福德人來生此處即名地居諸天諸魔兵衆  
諸龍夜叉八部等衆而勅之言今有釋迦種姓之子  
欲取菩提我等相共至於彼處斷其如此勇猛之心  
勿令取證菩提

### 魔子諫父

本行經云爾時魔王長子商主白父王言而今父王  
欲共悉達菩薩而作怨讐唯恐後時悔無所及魔王  
告子曰汝小兒愚暗淺短未曾知我變化神通未曾  
觀我自威力商王言兒非不知父王神通威

力但父王而未知悉達菩薩廣大神通福德威力然  
則父王至於彼邊應當自見魔王波旬不取其子之  
言即召四種兵衆所謂象兵馬兵車兵步兵百千萬  
億天神鬼兵形容可畏皆執弓箭刀劍器械擎山持  
杵作大威猛魔王率領向菩提樹下魔王軍衆遙見  
菩薩坐師子座不驚不怖不搖不動身體赫奕猶如  
金山放大光明不可譬喻魔王軍衆悉皆退散魔王  
見已心大恐怖猶懷我慢不肯迴還復告軍衆莫驚  
莫怖莫畏莫走此乃是我試彼心看我今更慰喻彼  
看其起離菩提樹下不令菩薩在此菩提樹下而成



正覺也

魔女炫媚

本行經云魔王波旬不取長子商主，誑諫告諸女言：汝等諸女宜至彼釋種子，邊試觀其心有慾情否。其諸魔女聽王勅，已相與安詳，向菩薩所於菩薩前，示現種種婦女媚惑諂曲之事。復將香花散菩薩上，復以種種五慾之事，勸請菩薩觀看其而觀其心情。為有慾心姿態。魔女見於菩薩，深心寂定，本來清淨，無濯無垢，面目清淨，猶如蓮花，從水中出而不染著。如須彌山，確然不動。善攝諸根，調伏心意。彼等既見菩

薩如是，皆生慚愧羞耻之心。諸魔女等善解女人幻惑之法，更加情態益顯，嬌姿莊嚴其身，示現美妙音辭，巧便來媚菩薩。答言：汝宿命有福，受得天身，不念無常，而作妖媚形體，雖好而心不正。汝輩故來亂人善意，非清淨種。革囊盛穢，汝來何為？去吾不用。今向母等，不安天上，何為橫來？佛指魔女變成老母，髮白面皺，不能自復。

魔軍拒戰

本行經云時魔王言：此人不可以五慾惑之，更設美言慰喻，令去仁沙門釋子。自小來未見戰鬪刀兵甚



可怖畏又仁莫共他作怨讐貪嗔痴業仁宜速去菩薩諦觀確然不從既不動身亦不移坐語魔王言我今已坐金剛牢固結加趺坐甚難破壞魔王聞已發嗔恚言率領四種兵衆象馬步車諸雜軍等幡旗魔纛羽蓋旂旛多諸夜叉悉食人肉善解神射各把鞬弓執持利箭槊矛劍戟刀棒金剛鬘輪鐵鉞種種諸仗駕千萬億象馳馬車放大吼聲虛空充塞復有無量諸龍各各皆乘大黑雲隊放閃電雲霧霹靂下時魔波旬執利劍向菩薩言截汝身體菩薩答言汝魔波旬及諸軍衆百千萬億悉如汝身盡力來此彼

等皆不能動我一毛况割身體作我障礙欲妨菩提令我不得取阿耨多羅三藐三菩提我終不起離於此處餘樹下坐

### 魔衆拽餅

雜寶藏經云爾時如來在菩提樹下巍然端坐惡魔波旬將八十億衆欲來壞佛至如來所而作是言恣逞太子汝獨一身何能坐此汝可起去若不去者我捉汝脚擲著海外佛言我觀世間無能擲我著海外者佛告波旬汝於前世但曾作一寺主受一日八戒布施辟支佛一鉢之食故生第六梵天爲大魔王而



我於阿僧祇劫廣修功德供養無量諸佛亦復供養  
聲聞緣覺之人不可計數波旬言太子汝道我昔一  
日持戒施辟支佛食信有真實汝自道者誰為證知  
佛即以手拍地言此地證我作是語時一切大地六  
種震動無量地神從地涌出頭面作禮胡跪合掌而  
白佛言世尊我為作證如佛所說真實不虛佛語波  
旬汝今先能動此淨瓶然後可能擲我著於海外時  
魔波旬及八十億眾盡其神力不能令動淨瓶魔王  
軍眾悉皆退散

### 地神作證

本行經云爾時菩薩即以右手指於地言此地能生  
一切物無有相為平等行此證明我終不虛唯願現  
前真實說是時地神從於地下忽然踊出胡跪合掌  
曲躬恭敬向菩薩言最大丈夫我證明汝我知於汝  
往昔世時千萬億劫施無遮會作是語已其地遍及  
三千大千世界六種震動猶如打鐘震遍吼等具什  
八相魔王軍眾皆悉退散勢屈不如各各奔走自然  
恐怖不能安心是時或象蹶倒馳馬之卧或車脚折  
弓箭刀鎗從於手中自然落地堅固鎧甲破碎損壞  
去離於身爭競逃竄或覆其面踣地而眠或走投山



或入地穴皆失本心荒迷倒地或有迴心歸依菩薩  
請乞救護養育於我其有依倚於菩薩者不失本心  
時其波旬聞大地聲心大恐怖悶絕躡地不知東西  
波旬唯聞空中而作是言悉令滅盡莫放波旬魔王  
軍眾競共奔走（一）魔子懺悔（二）本行經云魔王波旬長子名曰商主即以頭面禮菩薩足乞求懺悔白言大善聖子願聽我父發落辭謝  
凡愚淺短猶如小兒無有智慧我今忽來惱亂聖子  
將詣魔眾現種種相恐怖聖子我於已前曾語父言

以中正心雖有智人善解諸術猶尚不能降伏於彼  
悉達太子况復我等但願聖子恕亮我父我父無智  
不識道理如是恐怖大聖王子當何取生大聖王子  
願仁所誓早獲成就速證阿耨多羅三藐三菩提爾  
時大梵天王釋提桓因無量無邊諸餘天等遍滿虛  
空咸見菩薩降伏諸魔及魔軍眾皆大歡喜以歡喜  
心口唱是言善哉希有其聲遍滿四方虛空震聲響  
徹作天妓樂歌咏贊歎復將諸天妙花以天旃檀細  
末之香散菩薩上合十指掌頂禮菩薩口作是言今  
此聖者必證阿耨多羅三藐三菩提魔子商主頂禮



菩薩拜歎而去

### 菩薩降魔

本行經云菩薩思惟此魔波旬不受他諫造種種事  
菩薩語波旬言我至菩提樹下將一把草鋪已而坐  
恐畏波旬成於怨讐鬪諍相競造諸惡行無有善心  
我今欲斷怨讐欲滅惡業汝若欲生怨恨之心菩薩  
坐此樹下將草作鋪著糞掃衣汝心如嫉嫉此事  
汝魔波旬且定汝意我若成就阿耨多羅三藐三菩  
提後取如是等一切諸事付囑於汝願汝迴心生大  
歡喜魔王波旬汝今心中亦有誓言我等必當恐怖

菩薩今捨此座起走勿停然我復有弘大誓願我今  
此身坐於此座設有因緣於此坐處身體碎壞猶如  
微塵壽命磨滅若我不得阿耨多羅三藐三菩提我  
身終不起於此處魔王波旬如是次第我等當觀是  
誰勇猛誓願力強有能先成就此願或我或魔及  
汝軍眾若我福業善根力強我應成就如此誓願真  
實不虛

### 成等正覺

普曜經云菩薩坐於樹下已降魔怨成正真覺建大  
法幢度脫三界默坐樹下示現四禪為將來學修道



逕路意已清淨成一禪行靜然守一專心不移成一  
禪行已淨見真成二禪行心不依善亦不附惡無苦  
樂志正在其中寂然無變成四禪行是謂無為度世  
之道以棄惡本無媼怒痴生死已除種根已斷無餘  
我藥所作已成智慧已了明星出時廓然大悟得無  
上正真之道為最正覺得佛十種力四無所畏十八  
之法得佛道意一切知見是實微妙甚難得也昔錠  
光佛時蒞我為佛名釋迦文今果得之從無數劫勤  
苦所求適今成耳自念宿命諸所施為道德慈孝仁  
義禮信中正守真虛心學聖柔弱淨意行六度無極

布施持戒忍辱精進一心智慧行四等心慈悲喜護  
方便隨時養育眾生如愛赤子承事諸佛精德無量  
累劫勤苦功不唐捐

釋迦如來應化錄上一終







